



Chudayński Gaspar

Stowakowicz Joannis Antonii: Holocaustum
instituta —

PANEG. et VITAE

Polon. Fol.

N^o. 133

38
HOLOCAVSTVM

IVSTITIÆ,

ex erepto terris,

ad Supremum Cælestis Parlamenti Iudicium

VOCATO

Perillustri olim & Reverendissimo Domino

D. G A S P A R O
C H V D Z Y N S K I

*Sacræ Th: Doctore Almæ Metropolitanæ Ecclesiæ Gneznensis
Canonico & Iudice Surrogato.*

Dum ei

14089 III

In alma Metropolitana Ecclesia Gneznensi
inter magnos Peraugusti Capituli dolores
ingentesq; omnium planctus, iusta
perfolverentur

F A C T U M,

& a

M. JOANNE ANTONIO SŁOWAKOWIC in Vniuersitate Crac: Philosophiæ
Doctore in Academia Posnaniensi Grammatices Professore

Dolenti calamo

D E M O N S T R A T V M.

Anno quo Iudex Deus, legibus naturæ humanæ se subiecit 1698

Typis Academiæ Posnaniensis.

HOLOCAVSTVM JUSTITIÆ

Grande Palladij tribunal Iudicij,
supremam Delphiniſſimam ſedem Aſſeſſorum,
ædem ſecuritatis intactam, paciſq; optatæ
ſublime triclinium dixiſſem utiq;

niſi dolendus, quem lugemus ad præſens eventus,
non abeſſe his quoq; rupibus undas cunctos edocens,
me in contrarios rapiat ſenſus.

Non deſunt fatales Curijs curæ, ipſeq; eminens Pirei gurgis
periculofis obruitur vorticibus.

Veneranda Subſelliorum majeſtas vel ideo ſublimis tantum,
quia aliorum inſidens cauſis, ſuæ indulget minimè integritati,
Pervigil Arcopagitarum poteſtas ideo maxima,
quia ſupremæ vicina tempeſtati

Summos namq; viros ſumma pericla manent.

Non fruitur his, quos præbet ſecurè ſomnos vilior caſa, excubans Archidamus
quem ſacrum divæ Themidis imperium omnibus mancipavit
ſic

ſervire is, qui imperat, cogitur iuſtitia.

Non eſt tamen ſervile quod legitur mancipium, aureæ ſunt compedes,
torques non inſolubiles, nec adeò animos extorquēt mortaliū
quin ſanari queant;

Imò,

felice hunc dixerim, qui Superis par ipſis officium amplexus
hac tantum premitur ſolicitudine.

Aliud tormentum eſt, juſtitia pulſans officinam,
Alia vis, roburq; ſtupendum, leges & Iudices ſimul
miſerabili ſubruens impetu

Infauſtus funeſta mortis ictus, hic univerſa tribunalium commover Archiva.
exitialis ſæva Lachæſis ingruentia, hæc fatalem portendit exitū

Legi, Regi, communiq; populorum turbæ
Heu crudelem fati inclementiam!

Vbi poteſtatis tranquillæ ſecurum cenſetur aſyllum

ſtra-



strata jacent mortaliū cadavera, convulsi codices, violata jura
maētati Iudices.

Tam enorme prima fronte intuens. spectaculum, diceret favo-
sequi reos, reatum insontes. (rem hīc

Quorsum imperiosa Octavioꝝ sedes?
sua jam non defendit Pritanæa, exosa judicijs non tollit præ-
Quorsum pii Aquilioꝝ conatus? (iudicia

Permittunt iam publicam Prætoris inferri violentiam,
exili detenti suis cum Authoribus urnâ

Non vetant quos olim nominare erubescabant ausus.

Et quamvis *Leges sub leges mors vocet atra suas,*
viam venturæ non præcludunt calamitati:

Vi nempe mortis præsentē, lex nullitatis.

Inter sævas Libitinæ falces silent iura.

Summum tamen jus summa injuria non semper comitatur, aut certe
si nimis instat aliis, aliis blanditur.

Ereptum terris tribunal densos in orbe movet eiulatus,
at verò Olympo, qui iustis gaudet Iudicijs nova instaurat gau-
debitumq; Iustitiæ parat Holocaustum. (dia

Spectate quos ventura complectentur lustra,
quos seros gignent sæcula posterī,

ab umbris, magni olim Archicathedralis Areopagi Catonis

Perillustris & Reverendissimi Domini

D. GASPARI CHUDZYNSKI

Sacræ Theologiæ Doctoris, Ecclesiæ Archicathedralis Gne-
sensis Canonici & Iudicis Surrogati,
clarius evidentia sumite argumentum:

Hic

Implacabili diræ mortis sublatus tyrannide serum quidem, at serum
omnino Gnetnensi Archivo causavit dolorem ac mærorem.

Quod

Vtinam aut caruisset illo, aut si non caruit, non amisisset unquā.

Excelsa nihilominus Arx Tonantis, præsentī gaudet ausim dicere fato.

Nam

æquior ille Marius, cælo se Iudicem Surrogatum, divæ Themidi debitum præbuit

Holocaustum,

Vtpote

cui

Eui vitam dediderat omnem novissimo mortis actu in victimam transformandam:

Ita quippe eximiis illustria factis disposuerat iustra,
ut nec minimum continerent opus
quod iustitiæ non litaret;

Felix Parrhasius,

cæssa placere superis bellè nascens, albicante virtutum candore, & purpureo
nativæ verecundiæ ostro vernum ætatis depinxerat florem,
quem Agni delictum immaculati auderes nominare non immerito,

Quid mirum?

Nobilioribus victimis intaminatæ servantur mentes.

Hic cādore condecorat animū, purior iustitiæ victima futuro
Æquam maturioris iudicij nactus balancem, quæcunq; peregerit unquam,
omnia in æquilibrio.

sacris divæ Themidi persolvēdis aptior ut evaderet Lycurgo
Serenissimorum Regum æquas condentiū leges unicam Filiā,
generalem Regni adiit Scholam,

cuius faventioribus exceptus ulnis,
veluti in ara Diuis sacra bonis positus soli vacabat æquitatis;
Communem juris regulam rectè vivere cultiori literaturâ perpolitæ indoli ita in-
ut scientiæ ac probitatis unicam ædem in illo existimares; iungebat

Hinc

omnibus notus, nemini iniucundus,
ne diuturno comparata sudore in illo, alios inflans prævaleret sapientia
profundæ humilitatis non leve animo immisit pondus,
non esse sapientem nisi probum meritò putans.

Sic

humi serpens dignum erudito Imperio Caput,
decurrit in altum honoris euehi theatrum,
decurrit sacratam iustitiæ victimam Doctoralibus redimiri laureis,
quibus taliter cinctus, coronam, meritorum illustrem cy-
meliis, alacri nectebat animo, Archivo æquitatis inferendam.

Ordine referrem debito,

quæ eruditus numeravit laborum pretia *Academi*,
sed hæc imitari tantum concessū est & mirari non enarrare
quorum partem quæcunq; si relinquerem major fandi copia restaret ex alijs.

Sufficit;

veri in statione Academica stadiodromi probata virtus,
promulgatrice non effertur buccinâ

cum

cum ipsa sibi laudem ipsa dignum ferat trophæum.
Coronatus iam non Capitis sed virtutum Capitolii vertex,
Peraugusti Gnesnensis Capituli favore præfectus aliis,
ut hos erudiret ad iustitiam,
ipse insigne Iustitiæ holocaustum & genuinum meritorum
Seminarium.
Honos & onus cognata nomina tum demum in se referebat,
quando Traiano felicior,
nullum perdiderat diem, nullum consumpserat momentum,
summum ex laboribus suis sumens oblectamentum.

Adeoq;

(probavit

Dignus in Gymnasio Præses, Optimus in Basilica Mystes quantum egerit, eventus
Arrisit hocce decorum probitatis Capitolium Illustrissimo

LESCZYŃSKI ORVM Capiti,
cui visum est nec immerito, ne spectata illius dexteritas,
vix aut raro certe re peribilis in rebus agendis promptitudo,
debito destitueretur honore.

Bene sanè consuluit iustiori animi proposito,

Celsissimus & Illustrissimus Princeps

VENCESLAVS LESZCZYŃSKI

Primas olim Regni primusq; Princeps

Archiepiscopus Gnesnensis,

Qui

Eximie virtutis virum veluti pretiosum sapientiæ ac scientiæ unionem
Doctorem Theologum, Illustri Peraugusti Capituli Gnesnensis
inseruit coronæ.

Digna certe tanto virtus præmio, quanta non ausa rerum molimina!
Activitas fidi pro domo communi Oratoris Polieratidem,
Facilitas distorta unientis corda mediatoris Vespasianum,
Liberalitas munifici egenorum Protectoris Aurelium,
Probitas zelantis pro honore Numinis Constantinum,
adæquabat.

Tot inter animi decora

Mirum profecto quod innata submissione magis quam excellentiâ allaboraverit.
Hac igitur virtutis viâ sublimiorem conscendit gradum, illum scilicet,
quem ad excelsum iustitiæ augustale primum & potissimum
arbi-

arbitratus est.

Nimirum

remunerantis favore Numinis, & benigniori Magni Principis arbitrio
electus Iudex Surrogatus, tum demum sacris Themidi
rite persolvendis se accingebat,

quo in munere decem expeditis trieteridibus
convictis possibilem indulgentiam,
victoribus favorabilem plausum concedebat.

Et quia summam laudis æviternæ portionem credunt pleriq;
nec fallò quidem, summis placuisse viris;

ergo sufficiat compendio nunquàm morituræ famæ,
argumento toti mundo notæ virtutis sufficiat hoc unicum:

quæ Sarmatici Orbis indefessos stante dulcioris vitæ usurâ numeravit

Atlantes Illustrissimos Regni Primates Leszczynios Præmo-
vios, Olszovios, Wydzgas, Rádzieiovios,

tot horû, primus ante omnes ob singularem animi venustatē
possedit favores & respectus, maiores diutiùs possessurus,
ni factorum malevolentia invidisset.

Et sic

illorum vehementiâ proh dolor victus, decrescente jam ætatis suæ Oâobri,

Iustitiæ celsit in holocaustum.

Nasciturum præcessit Infantem,

ut aut appropinquanti obviam iret Iudici,

unus quasi è Senioribus coronam meritorum suorû daturus,
Salvatori,

aut ne supremum Cæli vacaret Parlamentum,

Iudex vocatus Surrogatus.

(Myſtes

Vtcunq; sit; comitatur nihilominus Te Magne supremi Dei

Perillustri & Reverendissime Domine

dolentibus lachrymis tinctus calamus,

& vivas ut in æternum gratitudinis promit,

HOLOCAUSTUM.



BIBLIOTHECA



JAGELLONICAR

*Janegyricus
Perennis Regi
Angliæ*

P

n:

o-

ē

s,

s

ei



